

柳河東文集

三

河東先生文集卷三

對

設漁者對智伯

智氏既滅范中行。志益大。合韓魏圍趙。水晉陽。智伯瑤乘舟以臨趙。且又往來觀水之所。自務速取焉。羣漁者有一人生漁。智伯怪之。問焉。曰。若漁幾何。曰。臣始漁於河中。漁於海。今主大茲水。臣是以來。曰。若之漁何如。曰。臣幼而好漁。始臣之漁於河。有魴鱣鱸鰻者。不能自食。以好臣之餌。日收者百焉。臣以為小。去而之龍門之下。伺大鮪焉。夫鮪之來也。從魴鯉數萬。垂涎流沫。後者得食焉。然其饑也。亦返吞其後。愈肆其力。逆流而上。慕為螭龍。及夫抵大石。亂飛濤。折鰭禿翼。顛倒頓踣。順流而下。宛委冒情。環坻激而不能出。嚮之從魚之大者。幸而啄食之。臣亦徒手得焉。猶以為小。聞古之魚有任公子者。其得益大。於是去而之海上。北浮於碣石。求大鯨焉。臣之具未及施。見大鯨驅羣蛟。逐肥魚於渤澥之尾。震動大海。簸掉巨島。一吸而食。若舟者數十。勇而未已。貪而不能止。北感於碣石。稿焉。嚮之以為食者。反相與食之。臣亦徒手得焉。猶以為小。聞古之漁有太公者。其得益大。釣而得文王。於是舍而來。智伯曰。今若遇我也。如何。漁者曰。嚮者臣已言其端矣。始晉之侈家。若欒氏。祁氏。卻氏。羊舌氏。

以十數不能自保以貪晉國之利而不見其害主之家與五卿嘗裂而食之矣是無異魛鱠鱣鯨也腦流骨腐於主之故鼎可以懲矣然而猶不肯寤又有大者焉若范氏中行氏貪人之土田侵人之勢力慕為諸侯而不見其害主與三卿又裂而食之矣脫其鱗繪其肉剝其腸斷其首而棄之鯢鮪遺胤莫不備俎豆是無異夫大鮪也可懲矣然而猶不肯寤又有大者焉吞范中行以益其肥猶以為不足力愈大而求食愈無饜驅韓魏以為羣鯨以逐趙之肥魚而不見其害貪肥之勢將不止於趙臣見韓魏懼其將及也亦幸主之憾於晉陽其目動矣而主乃傲然以為威在机俎之上方磨其舌抑臣有恐焉今輔果舍族而退不肯同禍段規怨深而造謀主之不肯寤臣恐主為大鯨首解於邯鄲鬣摧於安邑胃披於上黨尾斷於中山之外而腸流於大陸為鱣鱣鮮薨音稿以充三家子孫之腹臣所以大懼不然王之勇力強大於文王何有智伯不悅終以不寤於是韓魏與趙合滅智氏其地三分

愚溪對

柳子名愚溪而居五日溪之神夜見夢曰子何辱子使子為愚耶有其實者名固從之今子固若是耶予聞閭有水生毒霧厲氣中之者溫屯嘔泄藏石走瀨連臚糜解有魚焉鋸齒鋒尾而獸蹄是食人必斷而躍之乃仰啞焉故其名曰愚溪西海有水

散渙而無力不能負芥投之則委靡墊沒及底而後止故其名曰弱水秦有水倚泊泥淖撓混沙礫視之分寸殆若曉壁淺深險易昧昧不覿乃合清渭以自彰穢迹故其名曰濁涇雍之西有水幽險若漆不知其所出故其名曰黑水夫惡弱六極也濁黑賤名也彼得之而不辭窮萬世而不變者有其實也今子甚清與美為子所喜而又功可以及圃畦力可以載方舟朝夕者濟焉子幸擇而居子而辱以無實之名以為愚卒不見德而肆其誣豈終不可革耶柳子對曰汝誠無其實然以吾之愚而獨好汝汝惡得避是名耶且汝不見貪泉乎有飲而南者見交趾寶貨之多光溢於目思以兩手左右攫而懷之豈泉之實耶過而往貪焉猶以為名今汝獨招愚者居焉久留而不去雖欲革其名不可得矣夫明王之時智者用愚者伏用者宜遁伏者宜遠今汝之託也遠王都三千餘里仄僻廻隱蒸鬱之與曹螺蚌之與居唯觸罪擯辱愚陋黜伏者日侵侵以游汝闖闖以守汝汝欲為智乎胡不呼今之聰明皎厲握天子有司之柄以生育天下者使一經於汝而唯我獨處汝既不能得彼而見獲於我是則汝之實也當汝為愚而猶以為誣寧有說耶曰是則然矣敢問子之愚何如而可以及我柳子曰汝欲窮我之愚說耶雖極汝之所往不足以申吾喙涸汝之所流不足以濡吾翰姑示子其略吾茫洋乎無知冰雪之交衆裘我絺溽暑之鑠衆從之風

而我從之火。吾盪而趨。不知太行之異乎。九衢以敗吾車。吾放而游。不知呂梁之異乎。安流以沒吾舟。吾足蹈坎井頭。抵木石。衝冒榛棘。僵仆虺蜴。而不知怵惕。何喪何得。進不為盈。退不為抑。荒涼昏默。卒不自克。此其大凡者也。願以是汙汝。可乎。於是溪神深思而歎曰。嘻。有餘矣。是及我也。因俯而羞仰而吁。涕泣交流。舉手而辭。一晦一明。覺而莫知所之。遂書其對。

對賀者

柳子罪貶永州。有自京師來者。既見。曰。余聞子坐事斥逐。余適將唁子。今余視子之貌。浩浩然也。能是達矣。余無以唁矣。敢更以為賀。柳子曰。子誠以貌乎。則可也。然吾豈若是而無志者耶。姑以戚戚為無益乎。道故若是而已耳。吾之罪大。會主上方以寬理人。用和天下。故吾得在此。凡吾之貶斥。幸矣。而又戚戚焉。何哉。夫為天子尚書郎。謀畫無所陳。而羣比以為名。蒙恥遇僇。以待不測之誅。苟人爾。有不汙粟危厲。惵惵然者哉。吾嘗靜處以思。獨行以求。自以上不得自列於聖朝。下無以奉宗祀。近丘墓。徒欲苟生。幸存。庶幾似續之不廢。是以儻蕩其心。倡佯其形。茫乎若升高。以望清乎若乘海。而無所往。故其容貌如是。子誠以浩浩而賀我。其孰承之乎。嘻。笑之。怒甚乎。裂眚。長歌之。悲過乎。慟哭。庸詎知吾之浩浩。非戚戚之尤者乎。子休矣。

問答

晉問

吳子問於柳先生曰。先生晉人也。晉之故宜知之。曰。然。然則吾願聞之可乎。曰。可。晉之故。封太行。倚之首陽。起之黃河。迤之大陸。靡之或巍而高。或呀而淵。景霍汾澮。以經其壩。若化。若遷。鈎嬰蟬聯。然後融為平川。而侯之都。居大夫之邑。建焉其高。壯則騰突。撐拒聲岬。鬱怒若熊罷之咆。虎豹之嗥。終古而不去。攫秦搏齊。當者失據。燕狄惴怯。若卵就壓。振振業業。觀闢蹀戶。踞若僕妾。其按衍則平盈旋緣。紆徐夷延。若飛戴之翔舞。洄水之容與。以稼則碩。以植則茂。以牧則蕃。以畜則庶。而人用是富。而邦以之阜。其河則濬源崑崙。入於天淵。出乎無門。行乎無垠。自匈奴而南。以介西鄙。衝奔太華。運肘東指。混潰后土。漬濁糜沸。鼉鼉詭怪。于于汨汨。騰倒馱越。委泊涯淡。呀呬欽納。摧雜失墜。其所盪激。則連山參差。廣野壞裂。轟雷努風。撼鷁于巖。崩石之所轉躍。大木之所擢拔。湍汧洞踏者。彌數千里。若萬夫之斬伐。而其軸轡之所負。撞檣之所御。鱗川林壑。縈雲遁雨。瞬目而下者。榛榛沄沄。百舍一赴。若是何如。吳子曰。先生之言。豐厚險固。誠晉之美矣。然晉人之言。表裏山河者。備敗而已。非以為榮觀顯大也。吳起所謂在德不在險。皆晉人之藉也。願聞其他。

先生曰。大國之金。棠谿之工。火化水淬。器備以充。為棘為矛。為鍛為鉤。為鏑為鏃。為
口為鏃。出太白。徵蓐收。召招搖。伏蚩尤。肅肅裊裊。合眾靈而成之。博者狹者。曲者直
者。岐者勁者。長者短者。攢之如星。奮之如霆。運之如縈。浩浩奕奕。淋淋滌滌。熒熒的
的。若雪山冰谷之積。觀者膽掉。目出寒液。當空發耀。英精互繞。晃蕩洞射。天氣盡白。
日規為小。鑠雲破霄。跼墜飛鳥。弓人之弓。函人之甲。膠角百選。犀兕七屬。乃使跟超
掖夾之倫。服而持之。南瞰諸華。北警羣夷。技擊節制。聞於天下。是為善師。延目而望
之。固以拳拘喘汗。免胄肉袒。進不敢降。退不敢竄。若是何如。吳子曰。夫兵之用。由德
則吉。由暴則凶。是又不可為美觀也。先軫曰。師直為壯。曲為老。況徒以堅甲利刃之
為上哉。

先生曰。晉國多馬。屈馬是產。土寒氣勁。崖圻谷裂。草木短縮。鳥獸墜匿。而馬蕃焉。師
師旒旒。說音溶溶。紆紆。輻輳。輻輳。或赤或黃。或玄或蒼。或醇或駮。音駮。駮然而陰。炳然而
陽。若旌旃旂幟之煌煌。乍進乍止。乍伏乍起。乍奔乍躡。若江漢之水。疾風驅濤。擊山
盪壑。雲沸而不止。羣飲源槁。迴食野赭。浴川感浪。噴震播灑。漬漬焉若海神駕雪而
來下。觀其四散。惝惝。音惝。惝。惝。往開合萬狀。喜者鵲厲。怒者人搏。決然全。音全。全。躍千里
相角。風駿。音駿。駿。霧鬣。劇。音劇。劇。山扶壑。耳搖層雲。腹捎衆木。寂寥遠游。不久而復。攫地跳

梁堅骨蘭筋交頸互齧。鬪目相馴。聚洩更虛。昂首張斷。其小者則連牽繚繞。仰乳俯翫。蟻雜螽集。啾啾淅淅。旅走叢立。其材之可者。收斂攻教。掉手飛縻。指毛命物。百步就羈。牽以荀息。御以王良。起以范鞅。軒以樂鍼。以佃以戎。獸獲敵摧。若是何如。吳子曰。恃險與馬者。子不聞乎。故曰。冀之北土。馬之所生。是不一姓。請置此而新其說。先生曰。晉之北山有異材。梓匠宮師之為宮室。求大木者。天下皆歸焉。仲冬既至。寒氣凝成。外凋內貞。藩液不行。乃堅乃良。萬工舉斧以入。必求諸巖崖之欹傾。礪壑之紆縈。凌嶺岼之杪顛。漱泉源之淦澮。根紋怪石。不土而植。千尋百圍。與石同色。羅列而伐者。頭抗河漢。爪披虹霓。聲振連巒。梯填層谿。丁丁登登。礧礧稜稜。若兵車之乘凌。其響之所應。則潰潰漰漰。洶洶澆澆。若騫若崩。若螭龍之鬪。風霆相騰。其殊而下者。札屢捐殺。摧岿塊圯。霞披電裂。又似共工觸不周。而天柱折。鷗鷺驚。鶴號鳴。飛翔羈紆虎兕。奔觸驚慄。伏無所入。遯無所脫。然後斷度收羅。捐危顛。芟繁柯。乘水潦之波。以入於河而流焉。盪突碑兀。轉騰冒沒。類秦神驅石以梁大海。抵曲鱗。感滙流雷解。前者汨越。後者迫隘。乃下夫龍門之懸水。摺拉頽踏。掉首軒尾。湏入重淵。不知其幾百里也。濤波之旋。滔山觸天。旣淳旣平。彌望悠焉。良久。乃始昂屹涌溢。挺拔而出。林立峰岬。穿雲蔽日。渙然自撓。復就行列。渾渾而去。以至其所。唯良工之指顧。叢臺

阿房長樂未央建章昭陽之隆麗詭特皆是之自出。若是何如。吳子曰。吾聞君子患無德。不患無土。患無土。不患無人。患無人。不患無宮室。患無宮室。不患材之不已有。先生之所陳。四累之下也。且虎邪。既成諸侯。叛之。

先生曰。河魚之大。上迎濤波。壅津涯。千里雷馳。重馬輕車。遂以君命。矢而縱觀焉。大苦斷流。修網亘山。罩留麗星。織紵其間。巨舟軒昂。佗佗還環。水師更呼。聲裂商顏。於是鼓譟沓集。而從之。扼龍吭。拔鯨鰭。戮白鼉。逐毒螭。叱馮夷。立水湄。搜攪流離。掬縮推移。梁會網感。騰天彌圓。掉擗擁蹕。以登夫壘山之垂。如川之歸。如山之崔。如雲之披。其有乘化會神。振拔淪淪。擒奇文。出怪鱗。騰飛濤而上。逸生電雷於龍門者。猶仰綸飛綬。燭頻踏而取之。莫不脫角裂翼。呀嚇匐匍。復就鑿切。莫保龍籍。具糅女教切五味。布列雕俎。風雲失勢。沮散遠去。若夫魴鱮鮪鯉。鰓鱧魴鱖之瑣屑。幾裂者。夫固不足悉數。漏脫絃目。養之水府。而三河之人。則已填溢饜飫。腥膏爲鹵。聞膾炙之美。則掩鼻。感頽賤甚。糞土而莫顧者也。若是何如。吳子曰。一時之觀。不足以夸後世。口古之味。不足以利百姓。姑欲聞其上者。

先生曰。猗氏之鹽。晉寶之大也。人之賴之。與穀同。化若神造。非人力之功也。但至其所。則見溝塹畦畹之交錯。輪囷若稼。若圃。敞兮勻勻。渙兮鱗鱗。遷瀾紛屬。不知其垠。

俄然決源醜流交灌互澍若枝若股委屈延布脈寫膏浸渠湮滑汨彌高掩庠漫壠
冒塊決決沒沒遠近混會抵值堤防嚶瀛沛瀦偃然成淵潏然成川觀之者徒見浩
浩之水而莫知其以及神液陰澆甘國密起孕靈富媪不愛其美無聲無形燥結迅
詭迴眸一瞬積雪百里晶晶幕幕奮債離析鍛圭椎璧眩轉的皪乍似隕星及地明
滅相射冰裂雹碎龍洛切從祖紅切增益大者印累小者珠剖涌者如坻坳者如缶日晶
熠煜螢駭電走豆步盈車方尺數斗於是哀斂合集舉而堆之皓皓乎懸圃之巍巍
矚乎溱乎狂山太白之淋漓駭化變之神奇卒不可推也然後驢羸牛馬之運西出
秦隴南過樊鄧北極燕代東逾周宋家獲作賊之利人被六氣之用和鈞兵食以征
以貢其賡天下也與海分功可謂有濟矣若是何如吳子曰魏絳之言曰近寶則公
室乃貧豈為是耶雖然此可以利民矣而未為民利也先生曰願聞民利吳子曰安
其常而得所欲服其教而便於已百貨通行而不知所自來老幼親戚相保而無德之
者不苦兵刑不疾賦力所謂民利民自利者是也

先生曰文公之霸也援秦破楚囊括齊宋曹衛解裂魯鄭震恐定周於溫奉冊受錫
夾輔糾逖以為侯伯齊盟踐土低昂王帛天子恃焉以有諸侯諸侯恃焉以有其國
百姓恃焉以有其妻子而食其力叛者力取附者仁撫推德義立信讓示必行明所

嚮。達禁止。一好尚。春秋之事。公侯大夫策文焉。馳軒車。出入環連。貫於國都。則有五筵之堂。九几之室。大小定位。左右有秩。禽牢餼饋。交錯文質。饗有嘉樂。宴有庭實。登降好賦。犧象畢出。犒勞贈賄。率禮無失。六卿理兵。大戎小戎。鐘鼓丁寧。以討不恭。車埒萬乘。卒半天下。鼓之則震。旆之則畏。其號令之動。若水之源。若輪之旋。莫不如志。當此之時。咸能驩娛以奉其上。故其民至於今好義而任力。此以民力自固。假仁義而用天下。其遺風尚有存者。若是可以為民利也乎。吳子曰。近之矣。然猶未也。彼霸者之為心也。引大利以自嚮。而摟他人之力以自為固。而民乃後焉。非不知而化。不令而一。異乎吾嚮之陳者。故曰。近之矣。猶未也。

先生曰。三河古帝王之更都焉。而平陽堯之所理也。有茅茨采椽土型之度。故其人至於今儉嗇。有溫恭克讓之德。故其人至于今善讓。有師錫僉曰。疇咨之道。故其人至於今好謀而深。有百獸率舞。鳳凰來儀。於變時雍之美。故其人至於今和而不怒。有昌言儆戒之訓。故其人至於今憂思而畏禍。有無為不言垂衣裳之化。故其人至於今恬以愉。此堯之遺風也。願以聞於子。何如。吳子離席而立。拱而言曰。美矣善矣。其蔑有加矣。此固吾之所欲聞也。夫儉則人用足而不淫。讓則遵分而進善。其道不關。謀則通於遠而周於事。和則仁之質。戒則義之實。恬以愉則安而久於其道也。至

乎哉。今主上方致太平。動以堯為準。先生之言。道之奧者。若果有貢於上。則吾知其易易焉也。舉晉國之風。以一諸天下。如斯而已矣。敬再拜受賜。

註釋

募收

國見
策戰

圃
崙在

答問

有問柳先生者曰。先生貌類學古者。然遭有道不能奮厥志。獨被罪辜。廢斥伏匿。交遊解散。羞與為戚。生平嚮慕。毀書滅迹。他人有惡。指誘增益。身居下流。為謗數澤。罵先生者。不忌。陵先生者。無謫。遇揖目動。聞言心惕。時行草野。不知何適。獨何劣耶。觀今之賢智。莫不舒翹揚英。推類援朋。壘足天庭。魁壘恢張。羣驅連行。奇謀高論。左右抗聲。出入翕忽。擁門填局。一言出口。流光垂榮。豈非偉耶。先生雖讀古人書。自謂知理道。識事機。而其施為。若是其悖也。狼狽擯僇。何以自表於今之世乎。先生答曰。敬聞命。然客言。僕知理道。識事機。過矣。僕慙夫屈伸去就。觸罪受辱。幸得聯支體完。肌膚猶食人之食。衣人之衣。用人之貨。無耕織居販。然而活給羞媿。恐慄之不暇。今客

又推當世賢智以深致誚責吾繆囚也逃山林入江海無路其何以容吾軀乎願客少假聲氣使得詳其心次其論客曰何取先生曰僕少嘗學問不根師說心信古書以為凡事皆易不折之以當世急務徒知開口而言閉目而息挺而行躡而伏不窮喜怒不究曲直衝羅陷穽不知顛踣愚憊狂悖若是甚矣又何以恭客之教而承厚德哉今之世上拙不欺賢不肖明白其顯進者語其德則皆茫洋深閼端貞鯁亮苞并涵養與道俱往而僕乃蹇淺窄僻跳浮囁嚅抵瑕陷厄固不足以超超批挾而追其迹舉其理則皆謨明淵沉剖微窮深劈析是非校度古今而僕乃絨鉗塞默耗耗窒惑扶異探怪起幽作匿攸攸恤恤卒自甌賊固不足以睢盱激昂而效其則言其學則皆摠攬羅絡橫豎雜博天旋地縮鬼神交錯而僕乃單庸撇芋離疏空虛竊聽道塗顛踣蒙愚不知所如固不足以抗顏搖舌而與之俱稱其文則皆汗漫輝煌呼噓陰陽轆轤三光陶鎔帝王而僕乃樸鄙艱澀培塿滌淞毫聯縷緝塵出塊入固不足以據擣踴躍而涉其級茲四者懸判雖庸童小女皆知其不及而又裹以罪惡纏以羈繫客從而擠之不亦忍乎且夫白羲綠耳之得康莊也逐奔星先飄風而跛驢不出泥滓黃鐘元間之登清廟也鏗天地動神祇而鳴鳴咬哇不入里耳西子毛嫱之蹈後宮也皦朝日煥浮雲而無鹽逐於卿里蛟龍之騰於天淵也彌六合澤萬物

而蝦與蛭不離尺水。卓詭倜儻之士之遇明世也。用智能顯功烈。而麼眇連蹇。顛頓披靡。固其所也。客又何怪哉。且夫一涉險阨。懲而不再者。烈士之志也。知其不可而速已者。君子之事也。吾將竊取之以沒吾世。不亦可乎。乃歌曰。堯舜之修兮。禹益之憂兮。能者任而愚者休兮。蹉跎蓬蒿樂吾囚兮。文墨之彬彬足以舒吾愁兮。已乎已乎。曷之求乎。客乃笑而去。

起廢答

柳先生既會州刺史。卽治事。還遊於愚溪之上。溪上聚鰲老壯齒十有一人。謾足。以進列植。以慶卒事。相顧加進而言曰。今茲是州起廢者二焉。先生其聞而知之歟。答曰。誰也。曰。東祠。暨浮圖中。廐病顙之駒。曰。若是何哉。曰。凡為浮圖道者。都邑之會。必有師。師善為律。以勅戒。始學者與女釋者。甚尊嚴。且優游。暨浮圖有師道。少而病。暨日愈。以劇居東祠十年。扶服輿曳。未嘗及人。仄匿愧恐殊甚。今年他有師道者。悉以故去。始學者與女釋者。張張無所師。遂相與出暨浮圖。以為師。盥濯之扶持之壯者。執輿。幼者前驅。被以其衣。導以其旂。怵惕疾視。引且翼之。暨浮圖不得已。凡師數百生。日饋飲食。時獻巾悅洋洋也。舉莫敢踰其制。中廐病顙之駒。顙之病亦且十年。色玄不尤。無異技。硃然大耳。然以其病不得齒他馬食。斥棄異卓。恆少食。屏立擯辱。掣

頓異甚。垂首披耳懸涎屬地。凡廐之馬無肯為伍。會今刺史以御史中丞來蒞吾邦。屏棄羣駒。舟以沂江。將至。無以為乘。廐人咸曰。病顙駒大而不尢。可秣飾焉。他馬已焚瘼狹。無可當吾刺史者。於是衆牽駒上燥土大廐下。薦之席。縻之絲。浴剔蚤鬣。子淺切刮惡除。湊莖以雕胡秣。以香其錯目。鱗縷。音褭馬腹帶鑿金文羈絡。以和鈴纓。以朱綾。儒佳或膏其鬣。或劇。音其睢切御夫盡飾。然後敢持除道。履石立之水涯。幢幘前羅。杠蓋後隨。千夫翼衛。當道上馳。抗首出臆。震奮遨嬉。當是時。若有知也。豈不曰宜乎。先生曰。是則然矣。叟將何以教我。鰲老進曰。今先生來吾州亦十年。足軼疾風。鼻知膾香。腹溢儒書。口盈憲章。包今統古。進退齊良。然而一廢不復。曾不若雙足涎顙之猶有遭也。朽人不識。敢以其惑願質之先生。先生笑且答曰。叟過矣。彼之病病乎足與顙也。吾之病病乎德也。又彼之遭遭其無耳。今朝廷泊四方。豪傑林立。謀猷川行。羣談角智。列坐爭英。披華發輝。揮唱雷霆。老者育德。少者馳聲。卅角羈貫。排廁鱗征。一位暫缺。百事交并。駢倚懸足。曾不得逞。不若是州之乏釋師大馬也。而吾以德病伏焉。豈雙足涎顙之可望哉。叟之言過昭昭矣。無重吾罪。於是鰲老壯齒相視以喜。且吁曰。諭之矣。拱揖而旋為先生病焉。

天說

韓愈謂柳子曰。若知天之說乎。吾為子言天之說。今夫人有疾痛倦辱饑寒甚者。因仰而呼天曰。殘民者昌。佑民者殃。又仰而呼天曰。何為使至此極矣也。若是者。舉不能知天。夫果蓏飲食既壞。蟲生之。人之血氣敗逆壅底。為癰瘍疣贅癰痔。蟲生之。木朽而蠹中。草腐而螢飛。是豈不以壞而後出耶。物壞。蟲由之生。元氣陰陽之壞。人由而生。蟲之生而物益壞。食齧之。攻穴之。蟲之禍物也。滋甚。其有能去之者。有功於物者也。繁而息之者。物之讎也。人之壞元氣陰陽也。亦滋甚。墾原田。伐山林。鑿泉。以井。飲。窆。墓。以。送。死。而。又。穴。為。偃。溲。築。為。牆。垣。城。郭。臺。榭。觀。游。疏。為。川。瀆。溝。洫。陂。池。燧。木。以。燔。革。金。以。鎔。陶。甄。琢。磨。悴。然。使。天。地。萬。物。不。得。其。情。倖。倖。衝。衝。攻。殘。敗。撓。而。未。嘗。息。其。為。禍。元。氣。陰。陽。也。不。甚。於。蟲。之。所。為。乎。吾。意。有。能。殘。斯。人。使。日。薄。歲。削。禍。元。氣。陰。陽。者。滋。少。是。則。有。功。於。天。地。者。也。蕃。而。息。之。者。天。地。之。讎。也。今。夫。人。舉。不。能。知。天。故。為。是。呼。且。怨。也。吾。意。天。聞。其。呼。且。怨。則。有。功。者。受。賞。必。大。矣。其。禍。焉。者。受。罰。亦。大。矣。子。以。吾。言。為。何。如。柳。子。曰。子。誠。有。激。而。為。是。耶。則。信。辯。且。美。矣。吾。能。終。其。說。彼。上。而。玄。者。世。謂。之。天。下。而。黃。者。世。謂。之。地。渾。然。而。中。處。者。世。謂。之。元。氣。寒。而。暑。者。世。謂。之。陰。陽。是。雖。大。無。異。果。蓏。癰。痔。草。木。也。假。而。有。能。去。其。攻。穴。者。是。物。也。其。能。有。報。乎。

鵲說

蕃而息之者。其能有怒乎。天地大果蓏也。元氣大癰痔也。陰陽大草木也。其烏能賞功而罰禍乎。功者是功。禍者自禍。欲望其賞罰者。大謬呼。而怨。欲望其哀且仁者。愈大謬矣。子而信子之仁義。以遊其內。生而死。爾烏置存亡得喪於果蓏癰痔草木耶。有鵲曰。鵲者。穴於長安薦福浮圖有年矣。浮圖之人。室宇於其下者。伺之甚熟。為余說之曰。冬日之夕。是鵲也。必取烏之盈握者。完而致之以燠其爪掌。左右而易之。旦則執而上浮圖之跂焉。縱之。延其首以望。極其所如。往必背而去焉。苟東矣。則是日也不東逐。南北亦然。嗚呼。孰謂爪吻城粉毛翮之物。而不為仁義器耶。是固無號位爵祿之欲。里閭親戚朋友之愛也。出乎穀姑候卵而知攫食決裂之事爾。不為其他。凡食類之饑。唯旦為甚。今忍而釋之。以有報也。是不亦卓然有立者乎。用其力而愛其死。以忘其饑。又遠而違之。非仁義之道耶。恆其道。一其志。不欺其心。斯固世之所難得也。余又疾夫今之說曰。以煦煦而默。徐徐而俯者。善之徒。以翹翹而厲。炳炳而白者。暴之徒。今夫梟鵲。晦於晝而神於夜。鼠不穴寢廟。循牆而走。是不近於煦煦者耶。今夫鵲。其立趨音然其動音然。其視的然。其鳴單然。是不近於翹翹者耶。由是而觀其所為。則今之說為未得也。孰若鵲者。吾願從之。毛耶。翮耶。胡不我施。寂寒泰。